

Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA PRAVOSUĐE,
UPRAVU I RADNE ODNOSI



Босна и Херцеговина
Федерација Босне и Херцеговине
Босанско-подринјски кантон Горажде
МИНИСТАРСТВО ЗА ПРАВОСУЂЕ,
УПРАВУ И РАДНЕ ОДНОСЕ

Bosnia and Herzegovina
Federation of Bosnia and Herzegovina
Bosnian-podrinje canton Gorazde
MINISTRY OF JUSTICE, PUBLIC ADMINISTRATION AND LABOR

Broj: 05-30-66-22/24
Goražde, 12.03.2024. godine

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj: 12/03, 34/03 i 65/13), člana 25. Zakona o pravobranilaštvu Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 01/06, 14/08, 11/10 i 7/14), Zaključka Vlade Bosansko – podrinjskog kantona Goražde, broj: 03-30-493/24 od 07.03.2024. godine i Odluke o standardima i kriterijima za imenovanje kantonalnog pravobranioca i zamjenika kantonalnog pravobranioca Pravobranilaštva Bosansko – podrinjskog kantona Goražde broj: 03-30-494-1/24 od 07.03.2024. godine, Ministarstvo za pravosuđe, upravu i radne odnose Bosansko-podrinjskog kantona Goražde, **o b j a v l j u j e**

PONIŠTENJE JAVNOG OGLASA

Poništava se Javni oglas za izbor Kantonalnog pravobranioca, objavljen u dnevnim novinama „Dnevni avaz“ 30.01.2024. godine, „Službenim novinama Federacije BiH“, broj: 9/24 od 02.02.2024. godine, na web stranici Vlade BPK-a Goražde www.bpkg.gov.ba dana 30.01.2024. godine, *i raspisuje*

JAVNI OGLAS ZA IZBOR KANTONALNOG PRAVOBRANIOCA

I. Opis pozicije Kantonalnog pravobranioca

Kantonalni pravobranilac obavlja poslove samostalno u skladu sa Ustavom, na osnovu zakona i drugih propisa a naročito: predstavlja Pravobranilaštvo, organizuje rad i rukovodi Kantonalnim pravobranilaštvom, vrši poslove pravne zaštite imovine i imovinskih interesa Bosansko-podrinjskog kantona Goražde i općina na teritoriji kantona, kao i pravnu zaštitu imovine i imovinskih interesa pravnih osoba koje osniva kanton ako je to aktom o osnivanju predviđeno, zastupa kanton pred sudovima i drugim nadležnim organima kao i u drugim slučajevima kad je na to ovlašćeno zakonom, daje pravna mišljenja u postupcima donošenja akata kojima se uređuju imovinsko-pravni odnosi ili raspolaže imovinom kantona kao i pravna mišljenja u vezi sa zaključivanjem ugovora imovinsko-pravne prirode, pruža stručnu pomoć organima, službama ustanovama i drugim pravnim osobama u rješavanju imovinsko-pravnih pitanja u skladu sa zakonom, te obavlja i druge poslove u skladu sa zakonom i podzakonskim aktima.

Kantonalni pravobranilac imenuje se na period od 4 godine, sa mogućnošću ponovnog imenovanja.

II. Za imenovanje na dužnost kantonalnog pravobranioca kandidat mora ispunjavati slijedeće uslove:

1. Opšti uslovi

- a) da je državljanin Bosne i Hercegovine;
- b) da je stariji od 18 godina;
- c) da je zdravstveno sposoban za obavljanje poslova na koji se kandiduje;
- d) da nije otpušten iz državne službe kao rezultat disciplinske mjere na bilo kojem nivou vlasti u BiH u periodu od 3 godine prije objavljivanja upražnjene pozicije;
- e) da nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju u roku od 5 godina od dana izdržane, izvršene, zastarjele i oprostene kazne;
- f) da mu odlukom suda nije zabranjeno imenovanje na dužnost kantonalnog pravobranioca;
- g) da se na njega ne odnosi član IX. tačka 1. Ustava BiH;
- h) da nije član upravnog, izvršnog i drugog tijela političke stranke;
- i) da nije zvanični nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine FBiH", br. 70/08).

2. Posebni uslovi

- a) završen Pravni fakultet - VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema, koji se vrednuje sa najmanje 240 ETCS-pravne struke;
- b) položen pravosudni ispit;
- c) da ima iskustvo u radu na imovinsko-pravnim poslovima u pravobranilaštvu, pravosudnim organima i drugim pravnim licima u trajanju od najmanje 5 (pet) godina, koji je radeći u tim organima i pravnim licima stekao visok ugled pravnog stručnjaka i koji posjeduje najviše moralne osobine za obavljanje službe pravobranioca.

3. Kriteriji prilikom ocjenjivanja

Prilikom utvrđivanja rang – liste najboljih kandidata, u obzir će se uzeti slijedeći kriteriji, koji će se izraziti u bodovima od 1 -5, i to:

- a) predznanje o poslu;
- b) motiviranost/entuzijazam;
- c) relevantno radno iskustvo;
- d) sposobnost iznalaženja rješenja;
- e) vještina komunikacije.

III. Uz prijavu na javni oglas, kandidat je dužan priložiti:

- a) biografiju, adresu i kontakt telefon;
- b) dokaz o školskoj spremi;
- c) uvjerenje o položenom pravosudnom ispitu;
- d) uvjerenje o državljanstvu;
- e) uvjerenje da se protiv kandidata ne vodi krivični postupak;
- f) uvjerenje da kandidat nije osuđivan za krivično djelo ili privredni prijestup koji predstavlja smetnju za imenovanje na upražnjenu poziciju u roku od pet godina od dana izdržane,

izvršene, zastarjele i oprostene kazne;

g) uvjerenje o radnom iskustvu o najmanje pet godina u pravobranilaštvu, pravosudnim organima i drugim pravnim licima;

h) ovjerena izjava da kandidat nije otpušten iz državne službe kao rezultat disciplinske mjere na bilo kom nivou vlasti u BiH u periodu od tri godine prije dana objavljivanja Javnog oglasa;

i) ovjerenu izjavu da kandidat nije obuhvaćen članom IX. 1. Ustava BiH;

j) ovjerena izjava da kandidat nije član upravnog, izvršnog i drugog tijela političke stranke;

k) ovjerena izjava da kandidat nije zvanični nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine FBiH", br. 70/08).

Kandidat koji bude izabran, obavezan je da dostavi uvjerenje o zdravstvenoj sposobnosti za obavljanje posla, u roku od osam dana od dana izbora.

IV. Podnošenje prijava

Dokumenti koji se prilažu uz prijavu na Javni oglas moraju biti originalni ili u ovjerenoj kopiji, ne stariji od tri mjeseca.

Prijavu na Javni oglas, s traženom dokumentacijom, treba dostaviti u roku od 15 dana od posljednjeg dana objavljivanja Javnog oglasa.

Prijavu na Javni oglas sa svim traženim dokumentima, potrebno je dostaviti lično ili preporučeno poštom na adresu:

Bosansko-podrinjski kanton Goražde Ministarstvo za pravosuđe, upravu i radne odnose

**Ul. 1. Slavne Višegradske brigade 2.a. 73000 Goražde
s naznakom:**

**Prijava na Javni oglas za imenovanje Kantonalnog pravobranioca
Bosansko-podrinjskog kantona Goražde**

Kandidati koji uđu u uži izbor bit će pozvani na intervju. Nepotpune i neblagovremene prijave neće se razmatrati u daljem procesu imenovanja, te se neće dostavljati pisane odbijenice kandidatima koji ne ispunjavaju uslove.



MINISTAR

Nataša Đanojlić, dipl. pravnik